

Na osnovu člana 17. stav (1) Zakona o izvršavanju Budžeta Kantona Sarajevo za 2018. godinu ("Službene novine Kantona Sarajevo", br. 51/17 i 28/18), po zahtjevu "Druge osnovne škole" Ilidža, Ministar finansija donosi sljedeću

**ODLUKU**

**O PRERASPODJELI SREDSTAVA U BUDŽETU  
KANTONA SARAJEVO ZA 2018. GODINU ZA  
BUDŽETSKOG KORISNIKA "DRUGA OSNOVNA  
ŠKOLA" ILIDŽA**

1. Odobrava se preraspodjela sredstava u Budžetu Kantona Sarajevo za 2018. godinu u iznosu 890,00 KM u razdjelu 21020020 "Druga osnovna škola" Ilidža i to:

Raz.	Glas	Potr. jed.	Ekst. kod	Sub-analitička	Funkcija	OPIS	Iznos
21	02	0020				DRUGA OSNOVNA ŠKOLA ILIDŽA Sa ekonomskog koda (budžetska sredstva)	
21	02	0020	611225	LR8099	091F	Opremanje zbog odlaska u penziju Na ekonomski kod (budžetska sredstva)	890,00
21	02	0020	611227	LR8040	091E	Naknade u slučaju smrti i teže invalidnosti	890,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-26014/18  
29. juna 2018. godine  
Sarajevo

Ministar  
Prof. dr. **Jasmin Halebić**, s. r.

Na osnovu člana 17. stav (1) Zakona o izvršavanju Budžeta Kantona Sarajevo za 2018. godinu ("Službene novine Kantona Sarajevo", br. 51/17 i 28/18), po zahtjevu JU Osnovne škole "Hilmi ef. Šarić", Ministar finansija donosi sljedeću

**ODLUKU**

**O PRERASPODJELI SREDSTAVA U BUDŽETU  
KANTONA SARAJEVO ZA 2018. GODINU ZA  
BUDŽETSKOG KORISNIKA JU OSNOVNA ŠKOLA  
"HILMI EF. ŠARIĆ"**

1. Odobrava se preraspodjela sredstava u Budžetu Kantona Sarajevo za 2018. godinu u iznosu 1.200,00 KM u razdjelu 21020003 JU Osnovna škola "Hilmi ef. Šarić" i to:

Raz.	Glas	Potr. jed.	Ekst. kod	Sub-analitička	Funkcija	OPIS	Iznos
21	02	0003				OS "HILMI EF. ŠARIĆ" HADŽKI-TARČIN Sa ekonomskog koda (budžetska sredstva)	
21	02	0003	613200		091E	Isplaci za energiju Na ekonomski kod (budžetska sredstva)	1.200,00
21	02	0003	613300		091F	Isplaci za komunalne usluge	200,00
21	02	0003	613500		091F	Isplaci za usluge prevoza i goriva	1.000,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-24921/18  
29. juna 2018. godine  
Sarajevo

Ministar  
Prof. dr. **Jasmin Halebić**, s. r.

**Ministarstvo za obrazovanje, nauku i mlade**

Na osnovu člana 67. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 48. stav (7) Zakona o visokom obrazovanju ("Službene novine Kanton Sarajevo", broj 33/17) i odluke Senata Univerziteta u Sarajevu broj 01-481/18 od 25.04.2018. godine, ministar za obrazovanje, nauku i mlade Kantona Sarajevo donosi

**UPUTSTVO**

**O ZASTUPLJENOSTI NASTAVNIH SADRŽAJA IZ  
PSIHOLOŠKO-PEDAGOŠKE I  
METODIČKO-DIDAKTIČKE GRUPE NASTAVNIH  
PREDMETA U STUDIJSKIM PROGRAMIMA  
NASTAVNIČKIH USMJERENJA**

Član 1.

(Predmet Preporuke)

Ovim uputstvom preciznije se uređuje postupak usklađivanja nastavnog procesa studijskih programa nastavničkog usmjerenja na visokoškolskim ustanovama na području Kantona Sarajevo.

Član 2.

(Integrirani studij)

- (1) Nastavni proces iz studijskih programa nastavničkih usmjerenja realizuje se kao sadržajno integrirani studij prvog i drugog ciklusa studija i vrednuje se sa minimalno 300 ECTS bodova.
- (2) Prvi ciklus studija se vrednuje sa minimalno 240 ECTS bodova i u zbiru sa drugim ciklusom studija iznosi minimalno 300 ECTS bodova.
- (3) Nakon završenog prvog ciklusa studija student stiče akademsku titulu odnosno stručno zvanje bakalaureat, a nakon drugog ciklusa studija stiče akademsku titulu odnosno stručno zvanje magistar, u skladu sa Pravilnikom o sticanju i korištenju akademskih titula, stručnih i naučnih zvanja na visokoškolskim ustanovama na području Kantona Sarajevo.
- (4) Nastavni proces iz stava (1) ovog člana u skladu sa ovim uputstvom organizira se na način da su nastavni sadržaji međusobno povezani i adekvatno zastupljeni po semestrima i studijskim godinama tako da se osigurava jedinstvo nastavnog procesa kao i odgovarajuća zastupljenost nastavnih sadržaja iz psihološko-pedagoške i metodičko-didaktičke grupe nastavnih predmeta.

Član 3.

(Ishodi učenja i Standard kvalifikacije za obrazovanje nastavnika)

- (1) Studijski program nastavničkog usmjerenja u smislu ovog uputstva obavezno sadrži nastavne predmete iz psihološko-pedagoškog i metodičko-didaktičkog područja.
- (2) Sadržaj obaveznih nastavnih predmeta iz stava (1) ovog člana vodi ka ishodima učenja definiranim prema Evropskom kvalifikacijskom okviru i Standardom kvalifikacije za obrazovanje nastavnika.

Član 4.

(Zastupljenost psihološko-pedagoške i metodičko-didaktičke grupe nastavnih predmeta)

- (1) Studijski program nastavničkog usmjerenja sadrži minimalno 60 ECTS bodova za psihološko-pedagošku i metodičko-didaktičku grupu nastavnih predmeta od čega minimalno 3 ECTS za podučavanje iz područja inkluzivnog obrazovanja.
- (2) Minimalno 30 ECTS bodova realizuje se kao praktična nastava što sa nastavom iz stava (1) ovog člana iznosi minimalno 90 ECTS.

Član 5.

(Potvrda usklađenosti nastavnog plana i programa sa ovim uputstvom)

- (1) Visokoškolske ustanove koje realizuju studijske programe nastavničkog usmjerenja su obavezne usvojiti standard kvalifikacija za psihološko-pedagoško-didaktičko-metodičko obrazovanje nastavnika koji će važiti za sticanje nastavničkih kompetencija za sva nastavnička usmjerenja na visokoškolskoj ustanovi.
- (2) Senat visokoškolske ustanove usvaja jezgru programskih sadržaja iz psihološko-pedagoško-metodičko-didaktičke grupe nastavnih predmeta, a u skladu sa usvojenim ishodima iz stava (1) ovog člana.

(3) U postupku prilagođavanja važećeg ili usvajanja novog studijskog programa nastavničkog usmjerenja u skladu sa ovim uputstvom, visokoškolska ustanova/organizaciona jedinica je obavezna osigurati njegovu komplementarnost (podudarnost sadržaja) sa nastavnim planovima i programima predškolskog, osnovnog i srednjeg obrazovanja na području Kantona Sarajevo, o čemu se dostavlja dokaz Ministarstvu za obrazovanje, nauku i mlade Kantona Sarajevo.

Član 6.

(Razmatranje studijskog programa)

- (1) Visokoškolska ustanova/organizaciona jedinica je obavezna prije donošenja odluke senata visokoškolske ustanove o usvajanju odnosno donošenju studijskog programa nastavničkog usmjerenja pribaviti mišljenje Ministarstva za obrazovanje, nauku i mlade Kantona Sarajevo u odnosu na njegovu usklađenost sa ovim uputstvom.
- (2) U postupku koji prethodi davanju mišljenja iz stava (1) ovog člana, Ministarstvo za obrazovanje, nauku i mlade Kantona Sarajevo vrši provjeru zastupljenosti nastavnih sadržaja iz psihološko-pedagoške i metodičko-didaktičke grupe nastavnih predmeta po semestrima i studijskim godinama u skladu sa ovim uputstvom, njihovog ukupnog kreditnog vrednovanja shodno ovom uputstvu, adekvatne zastupljenosti stručne prakse te osiguranja komplementarnosti (podudarnost sadržaja) sa nastavnim planovima i programima predškolskog, osnovnog i srednjeg obrazovanja na području Kantona Sarajevo.

Član 7.

(Prilagođavanje i izrada nastavnog plana i programa)

Visokoškolske ustanove na području Kantona Sarajevo koje realizuju nastavni proces iz studijskih programa nastavničkih usmjerenja obavezne su primjenjivati ovo uputstvo u postupku prilagođavanja postojećih i/ili izrade novih nastavnih planova i programa tokom 2018/2019. godine kako bi njihova realizacija, odnosno upis studenata u prvu studijsku godinu započeo od studijske 2019/2020. godine.

Član 8.

(Stupanje na snagu)

Ovo uputstvo stupa na snagu narednog dana od dana objavljivanja u "Službenim novinama Kantona Sarajevo".

Broj 11-05-38-14825-3/17

18. jula 2018. godine

Sarajevo

Ministar

Prof. dr. Elvir Kazazović, s. r.



## SLUŽBENE OBJAVE



### UDRUŽENJA - FONDACIJE

Ministarstvo pravde i uprave Kantona Sarajevo rješavajući po zahtjevu UDRUŽENJA ZA EDUKACIJU "COLOR ART",

na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), donosi

### RJEŠENJE

Prestaje sa radom UDRUŽENJE ZA EDUKACIJU "COLOR ART", sa sjedištem u Sarajevu, ulica Carina broj 19, upisano u Registar koji se vodi kod Ministarstva pravde i uprave Kantona Sarajevo, rješenjem broj 03-03-05-1861/17 od 06.03.2017. godine, pod registarskim brojem 2219. knjiga V Registra udruženja.

Broj 03-03-05-9537/18

05. jula 2018. godine

Sarajevo

Ministar

Mario Nenadić, s. r.

(O-649/18)

Ministarstvo pravde i uprave Kantona Sarajevo rješavajući po zahtjevu UDRUŽENJA STRELIČARSKI KLUB "A - LUX", na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), donosi

### RJEŠENJE

Prestaje sa radom UDRUŽENJE STRELIČARSKI KLUB "A - LUX", sa sjedištem u Sarajevu, ulica Carina broj 19, upisano u Registar koji se vodi kod Ministarstva pravde i uprave Kantona Sarajevo, rješenjem broj 03-03-05-1865/17 od 07.03.2017. godine, pod registarskim brojem 2220. knjiga V Registra udruženja.

Broj 03-03-05-9538/18

06. jula 2018. godine

Sarajevo

Ministar

Mario Nenadić, s. r.

(O-650/18)

Ministarstvo pravde i uprave Kantona Sarajevo, rješavajući po zahtjevu Udruženja Marš mira, na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), donosi

### RJEŠENJE

Prestaje sa radom Udruženje Marš mira, sa sjedištem na Ilidži, ulica Vlakovo broj 11, upisano u registar koji se vodi kod Ministarstva pravde i uprave Kantona Sarajevo, rješenjem broj 03-05-05-9599/14 od 02.06.2014. godine, pod registarskim brojem 1936. knjiga IV Registra udruženja.

Broj 03-03-05-8009/18

12. juna 2018. godine

Sarajevo

Ministar

Mario Nenadić, s. r.

(O-655/18)